

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十八

監修總纂官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次大臣寶楨總纂官經筵講官吏部尚書鑲藍旗漢軍都統管理新營房城內官房大臣稽察內

七次大臣稽察會同四譯館事務加一級隨帶加六級軍功加三級紀錄五次臣尼沙納經筵講官文淵閣提舉閣事兵部尚書總管

內務府大臣欽白旗滿洲都統稽察內七倉大臣管理宗人府銀庫左翼幼官學監壽宮闕明園奉慶精提營御膳房御藥房太

醫院造辦處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周柱培等奉

敕修

○勳賞祭

道光十四年甲午冬十月壬辰朔享

太廟光十四年甲子十月壬辰

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮

孝慎皇后殯宮○遣官祭

端慧皇太子園寢○頒道光十五年時憲書

○以時享

太廟太常寺學習讀祝官隆寬聲音洪亮命遇

缺即補先換六品頂帶○貸直隸故城縣鄭家口獻縣子牙河修築民隄銀○癸巳

上幸圓明園○詣綺春園問

皇太后安○甲午諭內閣前因御史曾望顏奏

廣東首府辦災勒捐虛飾賑糶一案當經降

旨派昇寅賽尚阿前往查辦茲據昇寅等奏

稱前署廣州府知府金蘭原承辦災務尚無

任意支銷侵吞入己情事惟於勸捐已有成

數復聽信紳士張業南等做照佛山鎮派捐

鋪租之言輒派令省城各捐一月鋪租雖經
奉上司明文並無抑勒而省城鋪戶不比佛
山殷實該署府一律照派以致不協輿情辦
理不善咎無可辭金蘭原著交部嚴加議處
兩廣總督盧坤前任巡撫朱桂楨布政使吉
恆升任鹽運使伍長華督糧道鄭開禧於金
蘭原派捐鋪租未能先事覺察均著交部察
議○又諭前因御史曾望顏奏發往原省候
補之前任廣東雷州府知府王玉璋終日以

飲酒唱曲聽戲為事。聲名甚屬平常。當降旨
交昇寅。賽尚阿。盧坤等細心體訪。據實具奏。
嗣據盧坤等奏稱。該員性近浮華。不知節儉。
屬員亦不畏服。茲又據昇寅等查明。該員素
好飲酒唱曲。且不嫻於吏治。各等語。王玉璋
身為知府。既未能以慎勤率屬。又未能以明
斷服民。難勝知府之任。著即勒令休致。○又
諭盧坤等。奏查明洋船販賣鴉片。及查辦情
形。一摺。廣東洋船私帶鴉片。多在外洋售賣。

即有內地匪徒勾串販運經盧坤等嚴飭舟
師將在洋停泊洋船隨時催令開行並禁民
船蜚艇與洋船交易嚴拏走私土棍但洋面
眾船聚集之時難分玉石惟有於各國商船
回帆以後查明如有在洋躉私船隻即調集
水師大加兵威嚴行驅逐仍飭令該管將弁
派撥巡船二隻在洋船灣泊洋面常川巡查
一切民蜚艇隻均不許攏近洋船私相交易
以杜接濟儻有土棍駕駛快艇向洋船興販

鴉片及私買貨物即查拏解究從重治罪並責成內河營縣派撥巡船在各海口及一切通海港汊分定段落晝夜輪流巡緝如有奸販偷越進出即行拏解各關口一體實力嚴查無論外海內河拏獲走私漏稅人贓船艇即照例奏請分別獎勵僉員弁疏於查緝或兵役得規故縱除兵役照例治罪外將該管官從嚴叅辦仍飭地方官訪拏開設窩口土棍查抄嚴懲如不認真辦理別經發覺從重

叅處並令洋商傳諭。喚咭喇諸商。互相查察。如有一船偷漏。即將眾船一概不准貿易。使其彼此自相稽察。防閑更為周密。盧坤等遇有此等案情。有犯必懲。不准姑息。更不可日久生懈。視為具文。又另片奏。外人惟利是圖。其私販已久。必不甘心舍棄。或伺官兵撤後復來。或窮蹙竄駛他省等語。該督等務當嚴加約束。外則巡以舟師。內則謹防海口。使不致行銷無忌。亦不致越駛他省。總期相機妥

宣宗成皇帝實錄 卷一百五十八
辦嚴行禁絕方為不負委任○又諭盧坤奏
審擬被劾千總誣揭上司併請將違例之署
任副將交部嚴議一摺此案已革廣東順德
協右營千總余得剛因軍政被劾挾忿誣告
署副將盧必沅填官賣爵將稟求同寅公幫
之項指為盧必沅行賄求息經該督審係虛
誣實屬刁詐余得剛著照擬杖一百發附近
充軍前署順德協副將事新會營參將盧必
沅訊無行賄情事其劾叅余得剛係由軍政

公同考覈並無舉劾不公即盧良弼先補外
委後拔把總及蔣大彪洊拔千總皆因獲盜
著績確有案據該把總亦非並未成丁惟盧
良弼係該參將之子雖自幼出繼總屬父子
例無署事人員毋庸迴避明文該參將署理
副將時任在所轄營分當兵迨拔補外委把
總時又不據實呈請迴避實屬糊塗盧必沅
著交部嚴加議處○諭軍機大臣等有人奏
粵商近增私稅拖欠外錢請定章程杜絕弊

端等語外洋與內地通商本係天朝體恤所
有應納稅課果能按額徵取該外商等自必
樂為輸納日久相安若如所奏近來粵商頗
多疲乏官稅之外往往多增私稅奸人又於
其中關說牟利層層剝削甚有官商拖欠外
錢盈千累萬以致釀成釁端是粵商等假託
稅課名目任意勒索甚至拖欠累累該外商
等不堪其擾無怪激生事變即如本年嘆咭
喇弁目嘩嘮啤等不遵法度將兵船闖入內

河外情狡獪惟利是圖未必不因粵商等多
方婪索心有不甘遂爾狡焉思逞若不明定
章程嚴加飭禁何以服遠眾而杜弊端著盧
坤等確切查明儻有前項情弊立即從嚴懲
辦毋稍徇隱並著悉心籌議將如何稽覈之
處妥立章程據實具奏總期外情悅服而奸
商不敢恣其朘削方為不負委任將此諭知
盧坤祁項並傳諭彭年知之○欽差禮部尚
書昇寅因病請假命俟來京覆命後賞假一

月○正白旗蒙古都統鄭親王烏爾恭阿。因病賞假。以正藍旗蒙古都統僧格林沁署正白旗蒙古都統。肅親王敬敏署鑲紅旗漢軍都統。○乙未。諭內閣。程祖洛奏。查明延平一帶盜賊情形。設法勒拏。一摺。前因有人陳奏。福建延平一帶盜賊公行。最著名者有居住延平府地方之江和尚。一犯當經降旨。令該督密速查拏。茲據該督奏稱。密派地方文武員弁。設法躡緝。在於延建一帶逐細察訪。實

無江和尚其人。經該道祥璽以江和尚恐係江湖上之詭密。行稟覆並查出南平古田建安三縣交界處所有地名南山大埧處萬山之中有巨盜曾阿保即吳阿保陳志孝即尤溪陳二犯。膽敢以江湖上為名。招集徒黨。公行竊劫。擾害水陸地方。現在雖已散夥。而拐竊小匪。總未盡絕。是該匪等一日不除。則地方一日不靖。著該督即遴派得力員弁。多購眼線。分投偵緝。務期必獲。並將夥黨窩家。按

名擒獲徹底根究從重懲辦以淨根株前署
延平協副將劉廷榜現署古田縣知縣宋炳
垣均在任一年有餘所獲匪犯甚屬寥寥未
便令其置身事外劉廷榜已升台州協副將
應行送部引見著暫行扣留宋炳垣已補建
陽縣知縣亦著暫留古田縣署任均責令協
同南平建陽文武各官限三箇月內嚴拏曾
阿保陳志孝務獲如逾限不獲即著分別嚴
叅毋稍徇縱至閩省營伍廢弛已久沿途塘